

Visoki predstavnik i specijalni predstavnik EU poželio dobrodošlicu novom komandantu EUFOR-a



Visoki predstavnik i specijalni predstavnik EU Valentin Inzko danas je čestitao novom komandantu EUFOR-a general-majoru Bernhardu Bairu na njegovom novom imenovanju, te je zahvalio komandantu u odlasku, generalu Stefanu Castagnottu, uz riječi pohvale za predanost poslu i uložene napore kako bi ovu zemlju učinili stabilnom i sigurnom za sve njene građane.

Nakon primopredaje dužnosti, Valentin Inzko je izjavio: “EUFOR je pokazao da je pouzdana snaga, koja može očuvati sigurno i stabilno okruženje, i smatram da je vojna obaveza i više nego ispunjena. Prisustvo EU u ovoj zemlji je znak da Evropska unija nastavlja raditi kako bi pomogla ovoj zemlji da postane članica EU. Takva pomoć ne postoji niti u jednoj od ostalih potencijalnih zemalja članica.”

Poželivši dobrodošlicu novom komandantu EUFOR-a, general-majoru Bernhardu Bairu, Inzko je dodao: “Ne samo da smo zemljaci, već smo ovdje u BiH sa zajedničkom misijom: da BiH približimo Evropskoj uniji. Siguran sam da će general-major Bair dati sve od sebe kako bi doprinio ispunjenju zadataka koji su mu povjereni i uvjeren sam da ćemo ostvariti odličnu saradnju u našim zajedničkim naporima”, zaključio je visoki predstavnik i specijalni predstavnik EU.